

Relato pa prensa:

## “Think Tank” global lansá na Kòrsou

E promé “think tank” global i independiente den Karibe oksidental a keda lansá dia 11 di òktober 2018 na Kòrsou. E institushon “Think to Do” ta un grupo di trabou (investigashon) independiente ku ta funshoná virtual i tin su base na Kòrsou. “Think to DO” a keda fundá komo un ret úniko ku ta forma parti di otro “think tank” nan rònt mundu anto nan lo bai konsentrá riba traha riba e mihó práktikanan pa promové i implementá ideanan, pensamentunan den un sosiedat resistente, teniendo na kuenta ku ya mundu ta trasapasando den un di kuarto (4to) revolushon industrial.

Bastiaan Kooyman, ku ta e fundador i miembro den e hunta di supervisornan (konseho) di “Think to Do” úniko aki pa Kòrsou ta remarká: “ Pa mi ta un honor pa forma parti di e iniciativa grandi aki “Think to Do “. Mi ta hopi preokupá último añanan ku e desaroyonan na nos isla Kòrsou anto awor ta masha entusiasamá pa ta parti di e proyekto i grupo di pensadónan aki”

Progreso i bienestar no ta algu solamente reserva pa esnan mas afortuná den un komunidad. Nos komo lidernan mester asumí nos responsabilidat pa sigurá ku tur miembro di nos komunidad por eksperensia i benefisiá di un bon kalidat di bida. Pa realisá esaki nos mester kambia e rumbo ku nos komunidad ta bayendo aden. Hendenan eksitoso, den kualke komunidad, ta esnan ku hasi kos di forma diferente. No reinventa e wil pero buska i habri horizonte nobo pa di e forma aki nos nashon kompletu por benefisiá di dje. Nos mester stòp di papia i buska e mihó forman pa ta eksitoso den region Karibe i na mundu. Adaptando forma otro di traha i aseptando implementashon di e mihó práktikanan, ku a keda prueba di a funshoná den otro region, nos awor mester bai pensa di forma diferente ademas siña hasi kos di forma diferente tambe.

## Kiko e instituto “Think to DO” lo bai hasi?


E grupo independiente di investigadónan global di pensamentunan (ideanan/ filosofia) (“think tanks”) lo utilisá resultado di investigashon hasi rònt mundu pa yuda organisá aki tambe seshonnan di interkambio di idea, publikashon riba temanan ku ta di interes pa Kòrsou, ku ta rekerí kambionan den lei òf implementashon di leinan nobo riba tendensianan global, organisá seminario pa públiko general, pa personanan na mando den nos pais, pa prensa lokal i finalmente kompartí ideanan si ta nesesario ku parlamento riba e práktikanan superior. Tópikonan di estudio a keda determiná kaba basa riba desaroyonan i tendensianan mundial, kondishonnan ekonómiko, temanan di interes regional i di desaroyo ku ta di interes den nos mes pais. Mes importante ku eskoho di tópickonan di interes, ta e medionan i prosesonan pa yega na e hendenan di Kòrsou pa muestra di kon informashon di uso di dato sientífiko ta traha i kon esakinan por influensia nos forma di pensa òf kambia nos kultura pa tuma desishonnan basa riba desaroyonan i pensamentu global, en bes di tomo di desishon basa riba emoshon di momento.

Durante e último ocho lunanan mas ku 130 persona lokal a keda entrevista riba e konsepto di un “think tank” lokal i e potensial di esaki pa asistí e komunidad di Kòrsou i tambe esnan na mando i ku tin liderazgo di nos pais, pa komprondé mihó e konsepto di un sosiedat hábil i prepará pa e di 4to revolushon industrial ku ta tumando lugá rònt mundu. E grupo di personanan aki mester a skohe, disidí i priorisá e temanan / tópickonan, ku na nan punto di bista, tin mas impakto i ta mas importante pa nos sosiedat. E tópickonan lokal aki a keda alineá ku nuebe (9) tema di investigashonnan mundial pa asina ei destilá preguntanan pa investigashon i tópickonan pa estudio mas importante pa keda kristalisá den próksimo tempu.

Sinku área di estudio òf investigashon a keda priorisá:

-bon gobernashon (Governance);

## Think to DO Institute



- kresementu ekonómiko, empleo, sektor priva;
- energia i sostenebilidat ambiental;
- edukashon i formashon/ kambio di mentalidat;
- korupshon.

### Ken lo ta enbolbí den e ‘think tank’ akinan?

Pa motibu di eskala chikí di nos isla den kombinashon ku aksesu limitá na ekspertisio lokal ku struktura di investigashon establese, e instituto “Think to Do” lo forma gruponan di investigadornan ku representashon lokal i internashonal ku ta forma parti di “think tank” nan rekonosé mundialmente. “Think tank” ku durante último añanan ya a pensa riba temanan ku prosesonan di investigashon probá ku tabata eksitoso. Kada grupo di trabou lo keda formá di tal forma pa trese òf influensia opinionnan balansá i independiente di gruponan lokal, regional, global, polítiko òf di sektor priva. E instituto aki lo empleá diferente metodonan pa asesora e kontribushon na temanan ambiental i di sosiedat lokal pa asina influensia tomo di desishon.

### Sientífikonan lokal i mundial

Mitar di e pensadónan (sientífikonan) lo sali for di nos mes isla anto e otro mitar lo ta di otro gruponan di sientífikonan rònt mundu ku lo keda identifiká basa riba nan eksperensia ku e temanan di investigashon relevante. Un 50% di e pensadónan (sientífikonan) aki lo ta di edad di entre 20-45 aña miéntras e otro mitar lo ta riba 45 aña. E ròl di e pensadónan (sientífikonan) global aki lo ta pa trese vishonnan aktual riba sosiedatnan moderno ku ta resistente anto nan lo bai traha huntu ku e instituto “Think to Do” .

Alberto Romero, presidente di hunta di supervishon (konseho) di “Think to Do” ta hopi entusiasma pa ta parti di e instituto aki pasombra e ta bai ofresé e posibilidat na “think to Do” pa bai hasi kosnan di forma diferente i asina ei pone un base firme pa usa práktikanan probá (eksitoso) riba temanan manera bon gobernashon, komunidad suseptibel pa kambio i un ekonomia ku ta floresé.

### Kon lo bai organisá tur trabou?


Akuerdonan ku partnernan ya a keda establese, por ehèmpel ku otro ‘think tanks’ mundial, tambe protokòlnan pa investigashon ta kla, finalmente akuerdonan ku investigadornan e tópikonan pa investigá ta identifiká. E aliansa ta basa riba “think tanks” independiente i a-polítiko ku lo bai utilisá kriterionan establese pa TTCSP di universidat di Pennsylvania na Estádos Unidos.

E organisashon “Think to Do” lo operá for di un plataforma virtual ku gruponan di trabou rònt mundu bou di guia di un fasilitador ku lo tin tareanan definí i mara na tempu ku ekspektativa pa resultadonan positivo. Den kurso di próksimo lunanan nos lo bai konsentrá riba aktividatnan edukashonal, den kual lo enbolbí komunidad total riba e formanan pa trese konsiensia riba e tópiko di un sosiedat resistente, bon prepará tambe pa siña komunidad kua tema relatá ku 4to revolushon industrial ta importante anto finalmente kon nos mes “think tank” ta bai ehersé nan trabou.

Hunta di supervishon (konseho) di “Think tank” Kòrsou a apuntá dr. Bonnie Roberts Benesh komo e CEO . Dr. Benesh ta konosí riba nos isla pa su trabounan den área di start diálogo sosial i implementashon di planning superior di maneho. Despues ku e a bandoná nos isla na 2015, Dr. Bonnie Benesh a sirbi komo miembro di diferente “think tanks’ global, entretantu tambe e a keda akseptá den e grupo eksperto di trabou di “World Economic Forum” riba e tema di bon gobernashon.

Komo miembro di direktiva di hunta di supervishon, Lisbeth Hoefdraad ta konstatá” ku ta su deseo sinsero ku tur esfuerso ku nos grupo, a-polítiko ta hasiendo, lo keda aseptá ku positivismo den tur gremio di Kòrsou. Nos isla, ku

## Think to DO Institute



nos tur ta stima, tin nesidad di impulsanan positivo pa kontrarestá e spiral negativo ku nos ta aden pa muchu tempu kaba”.

Informashon adishonal ku por añaadí na e resúmen di prensa aki ta :

### Bon Gobernashon

A medida ku tur pais ta desaroyando nan mes identidat i move den direkshon di mas i mihó gobernashon di mes e atenshon lo bai fiha riba struktura di bon gobernashon i mihó práktikanan. Ku tempu tur esaki lo sigui kontribuí i resultá den mihó desaroyo di nos isla .

### Kresemantu ekonómiko, empleo i sektor priva

Na momentu ku ekonomianan ahustá nan mes na e vulnerabilidad di sistemanan global ekonómiko, di mes nan atenshon lo bai kambia pa implementá polítika di bon gobernashon, anto mesora esaki lo kontribuí na mas kresemantu ekonómiko, mas empleo pa tur hende i finalmente un sektor priva ku ta fuerte i sostenibel .

### Ambiente sostenibel /Energia

Miéntas ku mas pais na mundu ta aspirá pa kumpli ku e akuerdo di Paris i realidat di kambio di klima mundial, estudionan lo bai fokus riba faktornan importante p’e polítika di energia di nos pais.

### Edukashon i formashon/ kambio di mentalidat

Huntu ku e relashon mundial pa komunitatnan resistente e atenshon lo mester ta pa studia e forman mas efektivu pa kambio den edukashon i formashon pa asina ei logra desaroyo pa ta un siudadano di mundu ku un mente i forma di pensa global, saliendo for di un komunitat dividí riba liñanan étniko, religioso i di idioma. E ophetivo final ta pa forma hende pa ta parti di un komunitat mundial ku ta pensa den término di mundu ku nos ta biba aden .

### Korupshon

Desaroyonan mundial, regional i lokal ta trese ku na e komunitat ta preokupá ku e efektonan i kostonan di korupshon den nan mes pais. P’e motibu aki mester hasi estudio riba kousa di implementashon di polítika di maneho i pensa riba reglanan pa minimalisá efekto di korupshon.

Nos instituto “Think to Do” ke kolaborá ku otro institushonnan lokal pa tambe enkurashá uso di mihó práktikanan den proyektonan piloto ku mira riba kambio di mentalidat, demonstrá efektonan di ‘tomo di desishon basa riba resultado sientífiko i asina ei ehekutá bou di aliansa públiko i priva, ku fundamentu fuerte, preshon di afó pa influencia kambionan sistemátiko den nos sosiedat.

Pa medio di aliadonan , ekspertonan i sientífikonan riba programa di edukashon, “Think to Do” institute lo bai ta anfitrión di diferente grupo di sosten ku lo bai trese pa nos diferente perspektiva i eksperensia saliendo tambe di diferente ideologia, sektor profeshonal i área geográfiko ront mundu. Sosionan, eksperto i akadémikonan por guia seminario i gruponan di diskushon i interkambio di pensamentu den forma di seminario, grupo di trabou òf hasi investigashon sientífiko. Pa e aña benidero nos instituto lo trese sosionan huntu pa forma aliansa i krea ideanan nobo pa asina ei nos mes ekspertonan lo por regresá nan trabou i ehersé esaki mihó ku mas energia i perspektiva. Ekspertonan i akadémikonan di e forma aki por relatá i interkambiá idea /pensamentu ku otro hende ku ta studiando e mes tópikonan for di diferente kultura i asina ei mehora nan kompromiso personal i konosementu di e materia.